

第一輯

王春瑜 編

廈門大學出版社

中國稀見史料



中國 稀見 史料

第一輯

王春瑜 編

廈門大學出版社

图书在版编目(CIP)数据

中国稀见史料. 第1辑·第二十册/王春瑜编. —厦门:
厦门大学出版社, 2007. 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行

(地址:厦门大学 邮编:361005)

<http://www.xmupress.com>

xmup@public.xm.fj.cn

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:15 插页:2

定价:(全四十一册)30 000.00 元

本书如有印装质量问题请直接寄承印厂调换

清詹羽堯撰

板橋雜錄

乾隆十年(1745)稿本

〔清〕詹羽堯撰《板橋雜錄》，乾隆十年（1745）稿本

2006年10月10日王春瑜以400元在南京一家小書店購得此書，不見作者署名，回賓館挑燈細讀，方知是乾隆初年離江西景德鎮百里板橋附近之鄉間塾師詹羽堯，曾在海陽、芳溪教書十餘載。從書中《補葺坤正公拾遺集志語》一文觀之，知詹氏世代耕讀。書中既鈔錄作者欣賞之佳作，更有自己所撰之文，包括為人代筆之底稿，并錄有民間驗方，記述地方考試，演目連戲、關帝戲，辦紅白事等情形，可資研究江西歷史、戲曲史者參考。此本不見書名，王春瑜以詹氏地近板橋，而名之爲《板橋雜錄》。《中國稀見史料》增此一書，幸何如也！

代養素娶三媳星期啟 乾隆三十二年三月

伏以玉宇春融萬景煥乾坤之色金屏日暖百年諧琴瑟之
和頤天時與人事以交徵宜嘉會偕良緣而締結恭惟親有
老大人端凝著慶胞與存心市隱一壺橋井市無疆之福澤仁
周萬物杏林舒有脚之陽春久思依附風光不乃榮敷葭韻
永為好也因荷得藕以牽絲迨其吉兮染采盛筵而納幣月
涓公之吉日策公之良刻甫臨翼鸞興而登潭府時正
屆近香車以貴衙門伏願福履時綏純嘏永錫閑雖叶詠和
鸞嗣響于千秋麟趾載賡振繩鍾祥于萬禔仰希鼎諾俯
此盟謹啟

祭父山哀冥壽文

代作

德者壽之徵才者遇之本儉者福之基方正者立品之高經綸者垂
裕之美緬惟大人壽不報德遇不副才儉未能致福方正而弗諧于
于世以經綸裕後昆不肖輩又未進寸而退尺思之心傷言之顏赧噴
其何以慰大人之心于冥中乎惟吾大人之德也才也儉也方正之
經綸也有彰在人耳目可饒陳之為大人冥壽頌者見喜則迂聞
過則喜貧乏者賙恤之力孝者訓導之方其事祖父母于生前定有晨
昏問寢視膳於既歿也喪盡禮而祭承誠此約畧其端如是也至于
資稟穎異文如班馬而茹古含今孝貫天人而出風入雅先伯父
遊黌屢列前茅識者擬其綴高科如拾芥何以騏驥有而伯

樂不常有也此大人懷才而遇不偶也其居身也布素而弗尚浮華
其治家也蔬食菜羹非賓朋宴會未嘗茹葷食旨此誠儉以
倍福胡天不德使吾大人未四十而膺足疾兀坐窮愁者幾廿年
未六十而赴召玉樓儲蓄頗腴而弗獲顧養此儉約而福不報也其
立品也言坊行表人利而我義人邪而我正人疎而我親人澆漓而我
厚重人阿諛而我剛方一切苟且弗為也此大人立品之高也其經綸
也則薄于自贍而厚置田產錄錄而積廣于濟人而廉收其利究
之躋素封非貪暴橫取所致也畢生辛勤儲為晚之私茲店費
本非欲後人計長久乎此創垂之善也無如不肖輩教奇不能光裕
志店為敗類傾壞因而累生閨牆痛哭流涕者不知其幾矣

但此而凡坐層樓有瘋道人之歌自此而永絕世故無塵俗之累去
我惟膈疾抱恨以終匪大人經綸之不善寔不肖輩困頓之原也
嗚呼以大人之德也才也儉也立品之高也經綸之裕也而天之振施者
胡若是之無哉不但此也不肖吹旧屢夢繼產蕩然不肖株守衡
門業亦稍促無一足為大人承祧之光其何以慰吾大人于九原也寧不
痛哉所幸而母恩勤稼穡並茂庶幾可以安吾大人立錫之心耳茲屆
七哀冥壽薄奠一觴惟祈歆格尚享

祭母文代作

嗚呼古人寄跡江湖無之養也不孝兄弟則覓利而忘親罪
曷可逭哉憶自零歲言歸拜吾母于階前見其忻然色喜者茲

顏也鐸然笑語者聲音也屹然鵠立者骨骼也皤然于髮眸然于
面炯然于目洞然于耳盎然于背矯然于步澄然于心者奉勳形
體也不孝私心竊計曰不奉顏色者將十載今壽徵若此期願固可
必也自春王以降並無風燭之虞但夏以來屬不孝輩綜核家務
雖纖微必悉毫髮不遺行年六旬有七尚康強如此懷受日之誠
者曷弗慰焉是以不孝于六月廿日東裝客道惟冀洞庭秋月下
猶得托北鴈慰吾親倚閭之望也雖伯氏僕作牛馬走逐利西偏
白雲徒切不孝揚帆湖曲寄跡武陵所定有者尚有孫曾在室必
無意外之憂即不孝在羈旅中亦當催無夢奚慮此崩夫何彼
蒼弗恤遽奪吾所恃之速耶時維九月娶宿雅殃未浹旬而病篤

矣未踰月而凶問至矣。也不孝未親爇燭未及終券五內如焚即伯氏聞之當不知如何痛割矣嗚呼哀哉訃至即買舟歸來于一陽念有抵喪次見吾母之本闔矣因環而呼之呼之不應矣傷哉痛哉惟血液交併嗚咽不成聲而已矣以視昔之欣然色喜者尚可親焉否也將然笑語者尚可聞焉否也屹然鵠立者尚可望焉否也至若瞻然之髮睟然之面炯然之目洞然之耳益然之背矯然之步澄然之心尚可觀止焉否也與言及此能不痛心哉意者吾母厭棄塵寰欲追隨吾父大人于泉壤耶而維吾父壽不報德遺我孤藐子抱疚者于今幾世載爾時家道淒涼觴豆之奠未陳牲牷之儀不脩終天之恨何能已于懷乎至于今所謂子欲孝而親不在者其信然也茲以母氏輅車將

篤肅奠祭延敬薦慈之靈亦不過展寸草之愧又所謂生無祿養
歿有餘哀而已嗚呼痛哉

次祭代作

萬物覆于天而不能名天之德載于地而不能昭地之功其托生于農載者
惟人為萬物之靈蟲之蠢蠢之疇弗克念乎所生今也罪大莫極獲譴于
天孰有如吾家謂與家民雖扞心似無稔惡而胡以早奪吾之天倫臨
崧增感鞠育者伊何人以母道而兼父道艱苦閱歷而脩嘗天幸暇者
惟吾萱慈孺人苟置其生平而不為之泣訴即非孺慕至性而大泯
乎天真是以一字一淚哭奠哭陳思表著吾母之平生而併薦乎吾之
妻君方其佐吾父之內政也克儉克勤既鮮僮僕為勞力復乏外家之

恩勤邇其所自爰托身于吾門之族人雖屬鄰里亦見親之若夫所
居猥隘必仍旧而不欲重新造遭吾父之見背即賦栢舟以矢志而篤
教養于予二人南屬謂也婚娶旋令徑商于漢沔之濱而揆其意乃
在專精以澗民無素髻齡不慎折其右股致屢吾母之憂心幸習慣
而成自茲固無妨于捉筆實肯于至賢之懿訓而戒我履薄與臨
深迨琴瑟之願既遂幸墳茔並育灵辭又以謂罹坎旧之憂稚
孫弱女尚勞費手撫字肫肫既而創置室廬悒悒後裔皆賴吾母
之經營又以民羈西粵為兵燹梗室望斷秋鴻不見其音或有訛
傳者謂民不保其身致令吾親啼痕如雨憂心如董雖半信与半
疑抑且呻而且吟自客冬歸來今曷勝其雀躍惟忻滿擬稀年稱

慶馴至耄耄遐齡胡然後疾未久即赴西池之宴而背棄我後昆
嗚呼子道今已矣大事在送死而未遑親于其身雖百啄猶莫賙焉
用此磨醢之難陳慟哀情之無可曲達設無三奠再祭又胡能已于
其心是以帛雖奉享牲芻具陳羹羹吾父与吾母貴世俯鑒而式臨

代祭伯文

嗚呼吾伯客臘告殞于今一暮追思吾伯固自有不死者在也雖華不
肖能不傳奠一觴以罄犹子之情雖然吾伯德脩一身仪型一家齒尊
一門望隆一族則伯實有不死者赫々在人耳目間也其所以不死者何也
孝篤于所生而更篤于所继昏定晨省不以寒暑懈其助勞罔極之
思未嘗一日去諸懷也問孝思有必吾伯者乎則伯之不死者此其一伯

爲行居仲爲弟則若爲兄則友不聞閭閻之累則二十年來哭兄慟弟爲手足之誼無幾微之恨也問友于有必吾伯者乎則伯之不死者此其一繼祀承祧統之自守恒以弗克紹爲憂歲時伏臘祀事孔明以視承人之業名爲人後未幾蕩廢僑寓他邦先塋無一滴之饗神主缺焚祝之儀者較何如也問爲人後有必吾伯者乎則伯之不死者此其二方其少也嘗難厥嗣強仕之年始叶蘭夢幸逢奉三鳳喜則喜矣若虞其遲也迨踰穉年孫枝茂育壽登八袞稱祝盈庭非厚德之培未易臻此也問含飴有必吾伯者乎則伯之不死者此其三至以鄉閭達尊而膺約望事無鉅細咸推心置腹不苟于利而罔其是非不數以名而沽其聞譽自親族以逮僕隸下人爲排難爲解紛倘父兄之教不先

子弟之率不謹吾伯又多方誥戒挽頽俗以還淳轉敗類而歸正問
約束有如吾伯者乎則伯之不死者此其一若夫綜理門庭獨荷其
責未嘗委咎于人而歸功于已執掌衆業獨任其勞未嘗處心齷
而歸己以肥墨筭無不明之筆往還絕苟且之心問守義有如吾伯者
乎則伯之不死者此其一若乃篤執子之愛一如已子此又伯之餘恩余愚
輩永矢弗諼已耳何忍泣陳之手而又何能悉陳之手傷哉伯也善言
善行罄管難書其臚列而陳于前者皆人所不可忘而具信吾伯之
死實有不死者存也靈輅將駕奠以展忱伯兮式臨來格來歆尚享

祭父六十冥壽文

代作

癸丑春二月十有八日吾先侯花甲辰也苟舍飴堂上舞綵庭前寧非

天倫之樂哉胡昊天不吊使不肖陟岵生悲者于今已三十二年矣不肖幼而頑冥長而庸碌既未能孝養于生前又不能展報于歿後嗟以視世之祿養生前光昭歿後者不亦醜顏天壤耶嗚呼而今已矣後嗣必不肖者洵兩大間罪人矣他復何說哉所祈祝者世氏以不肖子遺劬勞鞠育善志格天方得不肖弱草成叢索枝挺幹迄今尚不能覓升斗之稻粱毛義之承惟而徒于晨夜風簫切風燭之驚抱伯俞之泣惟我大人式靈陰屬不肖告諸彼蒼默佑吾萱庭婺星長烟如日月之升恒俾家徒壁立之子永得蘇水之承惟庶不肖未能報之椿庭者犹得竭之萱闈也不肖株守硯田飢食首霜乏鼎牲之享惟披瀝涓埃之忱以觴大人之靈爽而告之耳